

# Powšitkowne WOZJEWJENJA

njedźelu, 24. junija 2012

## Chór za putnikowanje džěci a swójbne popołdnjo

Wšitke džěci, kotraž maja lóšt a zajim a rady spěwaja, su najwutrobnišo přeprašene, Božu mšu a nyšpor na putnikowanju džěci srjedu, 25. julija, w Róžeńce a na swójbny popołdnju njedźelu, 8. julija, na Kukowskim hrodzišću jako zhromadny chór wobrubic. Probje na Chróšćanskej farje budžetej sobotu, 30. junija, wot 9.00 do 13.30 hodž. a štwórtk, 19. julija, po džěcacych kemšach, kotraž su w 16.00 hodž., hač do 19.00 hodž. Zajimcy njech so prošu hač do wutory, 26. junija, pod telefonowym čisłom (03 57 96) 8 87 07 we Worklecach přizjewja.

## Swójbne popołdnjo na Kukowskim hrodzišću

Dekanatne dušepastyrstwo přeprašuje na swójbne popołdnjo njedźelu, 8. julija, na Kukowske hrodzišće. Nyšpor zahaji so w 14.30 hodž., kotryž šole a džěci ze serbskich wosadow wobrubja. Přizamknu so swačina a wšelake poskitki.

## Oratorij „Nalěčo“ zaklinči w Praze

Valdštejnsku zahradu w Praze je znaty general Albrecht von Wallenstein (1583-1634) po italskim stilu na Małej stronje njedaloko Serbskeho seminara wutworić dał. Wón běše sławny wjednik katolskeje ligi, kejžorskeje armeje, w 30lětněj wójnje, kotraž přećiwo protestantskim knježerstwam wojowaše. Zahradu pyša studnja a postawy grjekskeje bohowne wuznamneho wumělca Adriana de Vriesa. Na tutym historiskim městnje změje oratorij „Nalěčo“ Zejlerja a Kocora – předstajeny wot serbskich chórow, orchestra a solistow pod nawodom Judity Kubicec – njedźelu, 1. julija, w 15 hodž. swoju premjeru w českej stolicy. Puć do zahrody wjedže přez Valdštejnski Palac, sydło senata Českeje Re-  
publiki.

Swjedženski čah składnostnje XV. sokołskeho zléta w Praze zahaji so samsnu njedźelu, 1. julija, w 10 hodž. na Vaclávském náměstí a zakonči so w 13 hodž. na Staroměstském náměstí. Po informaciji Towarstwa přečelow Serbow budže Serbski seminar na Małej stronje wot 12 hodž. za zjawnosć wotewrjeny.

## Ministranća hraja kopańcy

Tradicionalny koparski turněr serbskich ministrantow budže sobotu, 7. julija, w Pěskecach. Započatk je w 9 hodž. z Božej mšu we wjesnej kapalce.

## Koparski turněr hólčich a holčich młodžinskich mustwow

Lětuši koparski turněr serbskeje dekanatneje młodžiny budže sobotu, 14. julija, w Pěskecach. Zakop je w 10 hodž. Hraje so ze šěsć pólnymi hrajerjemi a wrotarjom. Mustwa – hólče kaž tež holče – měli so hač do pónđzele, 9. julija, w běrowje dekanatneho dušepastyrstwa we Worklecach přizjewić, telefonowe čisło (03 57 96) 9 55 95.

## Anselm Grün přednošuje wo počahu a spiritualiće

Benediktinski Pater Anselm Grün, jedyn z najznačišich křesćanskich awtorow Němskeje, přednošuje štwórtk, 26. julija, k temje „Štož lubosć přisporja – Počah a spiritualita“ w Statnym dźiwadle w Mišnje. Zarjadowanje započnje so w 20 hodž. Towarstwu Cyrila a Metoda z.t. su zarjadowarjo su džesać darmotnych zastupnych lisčikow přewostajili. Štož ma zajim, sej do Mišnja dojeć, njech so w redakciji Katolskeho Posoła pod telefonowym čisłom (0 35 91) 55 02 12 přizjewi.

## **Putnikowanje do Krupki**

Na pěše putnikowanje do Krupki su młodostni ze wšěch wosadow tež lětsa zaso přeprašeni. Procesion woteńdže njedźelu, 29. julija, z Chróścic a wróci so pjatk, 3. awgusta. Zajimcy měli so najpozdzišo hač do pjatka, 6. julija, w Chróścicach na farje přizjewić, telefonowe čisło (03 57 96) 8 04 00. Zhromadźizna putnikow je njedźelu, 8. julija, po nyšporje na Chróšćanskej farje. Štóž so přeni raz na putnikowanju wobdźěli, njesmě na njej na žadyn pad pobrachować. Boža mša w Krupce budže srjedu, 1. awgusta, w 10 hodź.

## **Pěši do Częstochowy**

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podač. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zajimcy njech so přizjewja hač do njedźele, 1. julija, pola fararja Bena Jakubaša w Njebjelčicach, telefonowe čisło (0 35 78) 30 20 05.

## **Městno za swobodne socialne lěto**

Chorownja swjateho Jana w Kamjencu ma hišće swobodne městno za swobodne socialne lěto. Požadač móža so zajimowani, kotřiž su młodši hač 27 lět. Štóž ma zajim abo hišće prašenja, njech zazwoni do Kamjenskeje chorownje, telefonowe čisło (0 35 78) 78 61 05 abo póscele tam swoje pisomne podložki.